

YANGI O‘ZBEKISTON - 2030 TARAQQIYOT STRATEGIYASINING MAZMUN MOHIYATI

**Shahrisabz davlat pedagogika
instituti 1-kurs magistranti
Xoliqov Allamurod**

Annotatsiya: Ushbu maqolada Yangi O‘zbekiston taraqqiyot strategiyasining mazmun-mohiyati, uning asosiy yo‘nalishlari va mamlakat rivojlanishidagi ahamiyati yoritilgan. Strategiyaning bosh g‘oyasi — inson qadri va farovonligini ta’minlash, davlat boshqaruvini modernizatsiya qilish, huquq ustuvorligini mustahkamlash hamda iqtisodiyotni erkin bozor tamoyillari asosida rivojlantirishdan iboratligi ko‘rsatib berilgan. Shuningdek, ijtimoiy soha, ta’lim, sog‘liqni saqlash, ma’naviyat, yoshlar siyosati va tashqi aloqalarni takomillashtirishga qaratilgan ustuvor vazifalar tahlil qilingan.

Kalit so‘zlar: Strategiya, inklyuziv rivojlanish, referendum, ekspertiza, sud-huquq, inson huquqlari, advokatura, korrupsiya masalalariga.

O‘zbekiston Respublikasi Prezidentining 2023-yil 11-sentyabrdagi PF-158-son farmoniga muvofiq “O‘zbekiston — 2030” strategiyasi tasdiqlandi. Mazkur hujjat kelgusi 7-yilda O‘zbekistonning asosiy rivojlanish yo‘nalishlarini belgilab beruvchi muhim hujjat hisoblanib, 5 ta ustuvor yo‘nalish doirasida 100 ta maqsadga erishishga qaratilgan. Uning maqsadlari va samaradorlik ko‘rsatkichlari aholi tomonidan oson qabul qilinib, tushunish uchun qulay shaklda bayon etilgan. “O‘zbekiston — 2030” strategiyasi mamlakatning barqaror va inklyuziv rivojlanishini ta’minlash maqsadida ishlab chiqilgan va O‘zbekistonning uzoq muddatli rivojlanish yo‘nalishlarini belgilaydi. Unda turli sohalardagi islohotlar, iqtisodiy o‘shish, ta’lim, tibbiyot va ijtimoiy himoya tizimlarining takomillashtirilishi, ekologik barqarorlikni ta’minlash va davlat boshqaruvini zamonaviylashtirish kabi maqsadlar ko‘zda tutilgan. Shuningdek, Strategiya xalqimizning erkin va farovon, qudratli Yangi O‘zbekistonni barpo etish bo‘yicha xohish-irodasini ro‘yobga chiqarish, har bir fuqaroga o‘z salohiyatini

rivojlantirish uchun barcha imkoniyatlarni yaratish, sogʻlom, bilimli va maʼnaviy barkamol avlodni tarbiyalash, global ishlab chiqarishning muhim boʻgʻiniga aylangan kuchli iqtisodiyotni shakllantirish, adolat, qonun ustuvorligi, xavfsizlik va barqarorlikni kafolatli taʼminlash maqsadlariga xizmat qiladi.

Bugun yurtimiz hayotining barcha jabhalarida oʻzgarish, islohotlar epkini kuzatilmoqda. Yangi zamon ruhi kirib bormagan, inson manfaatiga ustuvor ahamiyat qaratilmayotgan biror-bir soha yoʻq. Ayniqsa, soʻnggi yetti yildagi tadrijiy rivojlanish bosqichlariga nazar solsak, ularning mazmun-mohiyatida xalqimiz xohish-irodasi, yillar davomida fuqarolarning tinchlik-xotirjamligiga toʻsiq boʻlayotgan ogʻriqli muammolar yechimi turgani yanada ahamiyatlidir. Bir soʻz bilan aytganda, bunday tarixiy evrilishlar oʻz-oʻzidan sodir boʻlmaydi. Mazkur islohotlar zamirida aniq va rejali maqsad, qatʼiyat, kuchli siyosiy iroda mujassam.

2023 yil 30 aprelda oʻtkazilgan referendumda umumxalq ovoz berish orqali Oʻzbekiston Respublikasining yangi tahrirdagi Konstitutsiyasi qabul qilingani Yangi Oʻzbekistonni barpo etishning konstitutsiyaviy asoslarini mustahkamlashga xizmat qildi. Mazkur hujjat yurtimiz taraqqiyotining asosiy yoʻnalishlarini takomillashtirish va ulkan islohotlarni yangi bosqichga olib chiqish dolzarb ahamiyat kasb etadi.

Yangi tahrirdagi Konstitutsiya davlatimiz rahbari tomonidan joriy yilning 11 sentyabrida imzolangan “Oʻzbekiston – 2030” strategiyasi toʻgʻrisida”gi farmon hamda “Oʻzbekiston – 2030” strategiyasini 2023 yilda sifatli va oʻz vaqtida amalga oshirish chora-tadbirlari toʻgʻrisida”gi qarorga tayanch vosita boʻlib xizmat qildi deyish mumkin. Zero, farmon muqaddimasida “yangilangan konstitutsiyaviy-huquqiy sharoitlarda mamlakatimiz taraqqiyotining asosiy yoʻnalishlarini takomillashtirish va amalga oshirilayotgan keng koʻlamli islohotlarni yangi bosqichga olib chiqish talab etilmoqda”, deb alohida taʼkidlangani bejiz emas. Natijada yurtdoshlarimizning yangi Oʻzbekistonni barpo etish boʻyicha xohish-irodasini roʻyobga chiqarish, sogʻlom, bilimli va maʼnaviy barkamol avlodni tarbiyalash, kuchli iqtisodiyotni shakllantirish, adolat, qonun ustuvorligi, xavfsizlik va barqarorlikni kafolatli taʼminlash ustuvor maqsad sifatida belgilangani qayd etildi. Shu oʻrinda Oʻzbekiston Respublikasi

Prezidenti Shavkat Mirziyoyevning 2023 yil 19 sentyabr kuni Birlashgan Millatlar Tashkiloti Bosh Assambleyasining 78-sessiyasida soʻzlagan nutqlarini yodga olsak: “Biz Asosiy qonunimizda millati, tili va dinidan qat’i nazar, barcha fuqarolarning tengligi, inson huquqlari, soʻz va vijdon erkinligi prinsiplariga sadoqatimizni yana bir bor tasdiqladik. Mana shunday huquqiy asosda “O‘zbekiston – 2030” taraqqiyot strategiyasini qabul qildik. Bu strategiya Birlashgan Millatlar Tashkilotining “Barqaror rivojlanish maqsadlari”ga uyg‘un bo‘lib, biz o‘z zimmamizga olgan barcha majburiyatlarni to‘la va qat’iy bajarmoqdamiz”. Ma’lumki, “O‘zbekiston – 2030” strategiyasi 5 ta ustuvor yo‘nalish bo‘yicha 100 ta muhim maqsad o‘z aksini topgan bo‘lib, mazkur hujjat orttirilgan tajriba, xalqaro ekspertiza va jamoatchilik muhokamasi natijalari asosida ishlab chiqildi.

O‘z navbatida, davlatimiz rahbari tomonidan qabul qilingan “O‘zbekiston – 2030” strategiyasini 2023 yilda sifatli va o‘z vaqtida amalga oshirish chora-tadbirlari to‘g‘risida”gi qaror ushbu hujjatning “Insonga e’tibor va sifatli ta’lim yili”da sifatli va o‘z vaqtida amalga oshirilishini ta’minlashga qaratilgan. Strategiyada belgilangan yo‘nalishlarning barchasida aholi, ya’ni xalq va mamlakat manfaatlarini birinchi o‘ringa qo‘yildi.

Jumladan, Strategiyaning IV bobi “Qonun ustuvorligini ta’minlash, xalq xizmatidagi davlat boshqaruvini tashkil etish” yo‘nalishiga bag‘ishlandi. Mazkur yo‘nalish bo‘yicha 16 ta maqsad (74-89-maqsadlar) doirasida 51 ta amaliy chora-tadbir va 21 ta vazifani o‘zida qamraydi. Bunda mahalla, mahalliy davlat organlari, vakillik organlari, davlat xizmati, fuqarolik jamiyati institutlari, sud-huquq, inson huquqlari, advokatura, korrupsiya masalalariga oid 41 ta maqsadli ko‘rsatkichni ishlab chiqish va 25 ta normativ-huquqiy hujjat loyihalarini tayyorlash nazarda tutilgan.

Asosiy maqsadlar va yo‘nalishlar

"O‘zbekiston – 2030" strategiyasining asosiy maqsadlari quyidagilardan iborat:

- Barqaror iqtisodiy o‘rta o‘rta orqali aholi farovonligini ta’minlash;
- Ta’lim, tibbiyot va ijtimoiy himoya tizimlarini takomillashtirish;
- Ekologik barqarorlikni ta’minlash;

- Davlat boshqaruvini zamonaviylashtirish;
- Mamlakatning xavfsizligi va suverenitetini mustahkamlash.

Muxtasar aytganda, “O‘zbekiston – 2030” strategiyasi nafaqat yurtimizning kelgusi yetti yillik taraqqiyotini, balki uning uzoq yillik rivojlanish strategiyasini belgilab beruvchi muhim hujjatdir. Unda belgilangan maqsadlarning ijrosi o‘z vaqtida ta’minlanishi esa davlat va jamiyatning har tomonlama jadal rivojlanishida muhim omil bo‘lib xizmat qilishi shubhasiz.

Foydalanilgan adabiyotlar

- 1.https://strategy.uz/index.php?static=strategy_actions&lang=uz
- 2.<https://boyovut.uz/ru/post/ozbekiston-respublikasining-ozbekiston-2030-strategiyasi-mazmun-mohiyati-yuzasidan>
- 3.<https://www.imv.uz/en/news/category/yangiliklar/ozbekiston-2030-strategiyasi-mazmun-mohiyati-va-unda-belgilangan-vazifalar-togrisidagi-iqtisodiy-oquv-seminari-bolib-otdi>
- 4.https://gov.uz/oz/pages/2030_strategy